

Albert Willebrand

**Programma Quo Rector Universitatis Rostochiensis Albertus Willebrand/ U.I.D. ...
Eximiae Honoratissimae[ue] Matronae Gertrudis von Münster/ Funus indicit, &
ad eundum exequias Omnium ordinum Cives Academicos serio studioseq[ue]
invitat**

Rostochii: Kilius, 1663

<http://purl.uni-rostock.de/rosdok/ppn770493270>

Druck Freier  Zugang



Willebrand, A.,
in
G. v. Münster.
Rostock, 1663.

Faint handwritten text, possibly a signature or date, located in the lower-left quadrant of the page.

PROGRAMMA

Quo

RECTOR

UNIVERSITATIS ROSTOCHIENSIS

ALBERTUS Willebrand/

U. J. D. Codicis Professor, Consisto-
rii q; Ducalis Adseffor,

Eximia & Honoratissima q; MATRONÆ

GERTRVDIS

von Günstern

Funus indicit,

& ad eundem exequias

Omnium ordinum CIVES ACADEMICOS seriò studiose q;
invitat.



ROSTOCHII,

Typis JOHANNIS KILII, Acad. Typogr. Anno 1663.



Müller



O mnes omninò homines unam noctem manere, & stauerunt omnium temporum, pii ac sapientes viri, & quivis dies clarissimis documentis huic rei miram facit fidem. Neque verò homini tantum inevitabilis ista lex est posita, sed etiam vastum hoc Universi corpus, atq; adeò totam Naturam mortalitati subjectam esse, paulò attentius consideranti clarissimum utiq; est. Si quis prima corpora, ex quibus singula in mundo constant, intuebitur, sanè ipsa illa, dum ex mutatione eorundem nunc hoc perit, nunc aliud generatur, perpetuâ vice aut nasci, aut mori deprehendet. Ipse sol, qui principatum astrorum jure suo obtinet, promus condusq; diei, dum cotidie abs nobis discedit, & sub horizontem sese nostrum, subducit, nonnè interitum, quem decretorius ille allaturus semel est dies, minatur? Quem cætera quoq; sidera imitantur, quæ renascente luce, mori quodammodo, aut in nihilum redigi videas. Non adducemus omnis nunc generis animantia, quæ profectò omnia magnam illam & catholicam mortem exercere videntur:

videntur: neq; è superiorum ætatum historiis vel *Carthaginem* aliquam vel *Hierosolyma*, vel ambarum victricis Romæ Urbium cadaver, aut quicquid hujus apud veteres sivè bellis, sivè hiatibus, sivè paci noxiâ & rebus secundis exitiosâ luxurie perditum fuit, proponere decrevimus: ex quibus omnibus cæcus sit qui non deprehendat, nihil omninò in hac rerum Universitate reperiri, quod non caducitati obnoxium sit, eundemq; interitum experiatur, qui homines & Urbes integras amplissimasq; solo æquat, ac cum ipso sæpè nomine etiam memoriæ mortalium subducit. Earum mihi Urbium casus ac vices contemplamini, quib; vel per hæc nostræ tempestatis bella, post homines natos acerima, aut Republicæ facies mutata est, aut imminuta libertas. Aut si Urbes nondum satis faciunt, quantum Regiones integræ, integræ provinciæ mutare soleant, eadem hæc tempestas nostra argumento erit minimè obscuro. Quis ergò sit, quod nos homunculi, cum illum rerum omnium interitum, tot gentes inter mortuas, tot urbium & oppidorum sivè cineres, sivè cadavera possim per hunc vastum terrarum orbem projecta videamus, unius è nostrum numero abiturum tam agrè feramus? Ab hac communi moriendi conditione neminem aut ætas, aut virtus sua, aut formæ venustas, neminem etiam potentia & honores exemerint. Hic nos aut prolixè fallimur, aut plurimum de mœrore eorum, qui ex funere præsentinon leviter attinentur,

tur,

tur, decessurum arbitramur, si æqualem hanc rerum omnium ad interitum festinantium sortem attentè lustraverint, simulq; persuaserint sibi, eadem fati necessitate BEATÆ huic GERTRUDI mortem fuisse oppetendā, quā Universum hoc Naturæ corpus teneri demonstravimus. Nos nec præter rem, nec receptā præter consuetudinem facturi videbimur, si præstantissimæ Matronæ historiam breviter, styloq; eopse, quo ad nos omnis ea devoluta est (neq; enim quicquam immutare adlubuit) texuerimus. Prodiit itaq; (habent verba) in hanc lucem hæc NOSTRA Lubecæ, 6. Febr. Anno 1610. Patrem sortita, Virum Præeximium, DN. RODIGERÛM von Münster / Negotiatorem impigrum. Matrem ELISABETHAM von Dorn / Viraginem probam, Amplissimi Dn. HERMANNI von Dorn / Jcti & Cos. apud Lubecenses prudentissimi germanam. Avum paternum, Dn. HINRICUM von Münster / Amplissimum pariter & in Westphalia quondam, Reipub. Appenhulsens Cos. primarium. Aviam paternam, ANNAM Wedenhofs / fœminam laudatissimam, veteriq; & celeberrima stirpe der Wedenhöfe / profatam. Proavus paternus erat, Præstantissimus Dn. BERNHARD von Münster / Civis & mercator Appenhulsensis. Proavia paterna, ANNA Schröders / matrona honestissima. Avus maternus fuit, prædictus Dn. HERMANNUS von Dorn / Senator Lubecensis. Proavia autem materna,

na, ANNA **Stiten**. His orra majoribus postquam
lustrata sacro gurgite, inq; Christo GERTRUDÆ
acceperat nomen, pudore ficta est, & formata mo-
nitis optimis, donec utroq; orbata parente, suscipe-
retur abs Avunculo Perexim. Dn. JACOBO von
Dorn / admittereturq; hospitalitiæ mensæ. Hinc de-
voluta est Rostochium, & degere jam Juveni extra
natale solum apud Patruelem Dn. HENRICUM von
Münster / Reipub. hujus Sedecimvirum, ac ad D.
Mariæ præfectum, contigit. Vbi quidem assuefa-
cta præceptis suorum exercitaq;, manente horum
imagine, bene & pudicè vitam instituit. Accessit pau-
latim habitus decor, nubilis ætas, & egregiam men-
tem honesta frontis timiditas spondebat. Itaq; de-
ducendâ cogitat (credo non sine Divûm Numine)
Pereximius & literatissimus Dn. JOANNES **Wineke** /
Civis hîc & mercator primarius, Patris NICOLAI, Se-
natoris oppidani gnatus unicus; videbatur is, cui da-
ret suos amores, satis dignus: nec cunctata ultra, con-
sensit in nuptias, sociumq; tori pertinaciùs delegit.
At ecce tibi, vix biennium novi conjuges, inter
complexus & colloquiorum svavitatem, superârant,
cum vulnere ô dolor! post omnium indignissimo, il-
le destituit orbem, reliquitq; nullo herede infelicis-
simam domum. Interim jacuit sola viduo cubili, &
quod maximum primo flore: Haud mora, ambie-
bat illam, annum post, Vir admodùm Reverendus
atq;

arq; Clarissimus, Dn. M. DAVID TUNDER, Ecclesi-
astes hîc apud Marianos vigilantissimus. Itum igitur
est, neq; hoc sine fato, ad secunda vota: Sed ô re-
rum mortalium mixturam! stetit semestri hoc ma-
trimonium, & hunc quoq; insperatum excidium
poscenti reddidit cœlo. Cæterum anno 1640. 6. Ju-
nij, recens deserta, & cælebs facta, cum nihil ultra
cineres & favillas superesset oculis, decrevit, exem-
plo Judithæ & Hannæ, sine conjuge legem fati sui
expectare. Namq; viginti duos & amplius annos
vidua, præparato ad mortem animo, cælestibusq;
per pl. Reverendum & Excellentissimum Dn. HINRI-
CUM MULLERUM, S. Theol. D. ac Profess. Pasto-
remq; Marianum amicum & Collegam nostrum con-
junctissimum refecto mysteriis, 10. Octobr. hujus anni,
circa 6am matutinam agere inter homines desiit. Vos
quidē superstites FILII, Sororq; vosq; cæteri, si qui estis,
cognati Affinesq; cogitabitis, DEUM qui supra nos nego-
ciū curat, quicquid est ævi hujus, tanquam munus suū
pro arbitrio disponere; Et nos vicissim ita paratos esse
oportere, ut ea, quæ non in perpetuum, sed in certa
tempora concessa sunt, repetenti Datori sine querelâ
restituamus. Satis diu, pro ratione eorum quidem,
quæ nunc currunt, seculorum, vobiscum OPTIMA illa
vixit. Translata nunc demùm eò est, ubi non am-
plius de caussario corpore, de membrorū lassitudine,
aut

aut quavis alia incumbentis morbi violentiâ queretur:
ubi fallaciæ, fraudes, doli, invidiæ locum habituræ sunt
nullum. Ubi DEUS omnia est in omnibus; Ubi ejus-
cemodi idem ipse gaudia præstat, quæ nec oculo visa
sunt ulli, nec ulli hominum cordi cognita perceptaq;
Sic itaq; vos geretis, ut non tam obitum *desideratissimæ*
ægrè ferre, quàm felicitatem, cui nunc transcripta est,
minimè eidem invidere videamini. Illa secura spectat
jam publicas clades, Turcarum proh dolor! irruptione-
nes, imperiorumq; ruinas; quarum nos infelix ætas
jam pars maxima sumus. Non verò id abs vobis exi-
gemus, ut siccis planè FUNUS hoc vestrum oculis se-
quamini; sed nec SOLONEM Atheniensem, qui sa-
piens fuit unus ex septē, & legis scriptor solus ex septē,
in hoc domestico luctu imitemini. Is posteaquam,
ex Nuncio à *Thalete* subornato, mortem Filii sui acce-
perat, ita consternatus fuisse dicitur, uti animo repen-
te torus conciderit, humi prostratus jacuerit, barbam
utraq; manu evulserit, capillos vellicarit (quasi in calvi-
tio quietior futurus) injectu pulveris os fædârit, pal-
lium disciderit, planctuq; & ejulatu muliebri, cum
summa spectantium admiratione & indignatione
universum complevit forum. Lugeatis non sine cau-
sâ: Cavete tamen lugeatis sine modo. Atque hæc
proponere sub finem voluimus, non quod ea vos pla-
nè fugere existimemus, quorum animos ad omnes re-
rum


rerū humanarum vices fortiter excipiendas jam præparatos novimus, sed quod luctus & mœroris magnitudine quasi obrutis, non ita omnia, quæ mitigando dolori, leniendæ vè ægritudini factura sint, occurrere arbitremur.

Vos verò, CIVES ACADEMICI, frequenter honestissimæ MATRONÆ ite exequias, atq; ita ultimum humanitatis prompti lubentesq; præstate officium, DE Oq; OPT. MAX. utramq; REMP. literariam ac politicam piis devotisq; precibus unanimes commendate.

P. P. sub Sigillo RECTORATUS.

Convenietur in Æde divæ MARIE sacra,
Horâ I. pomerid.





aut quavis alia incumbentis morbi
ubi fallaciæ, fraudes, doli, invidiæ lo
nullum. Ubi DEUS omnia est in
cemodi idem ipse gaudia præstat,
sunt ulli, nec ulli hominum cordi c
Sic itaq; vos geretis, ut non tam obi
ægrè ferre, quàm felicitatem, cui ni
minimè eidem invidere videamini.
jam publicas clades, Turcarum pro
nes, imperiorumq; ruinas; quaru
jam pars maxima sumus. Non ve
gemus, ut siccis planè FUNUS hoc
quamini; sed nec SOLONEM Ath
piens fuit unus ex septē, & legis scrip
in hoc domestico luctu imitemini.
ex Nuncio à *Thaete* subornato, mo
perat, ita consternatus fuisse dicitur
te torus conciderit, humi prostratu
utraq; manu evulserit, capillos vellit
tio quietior futurus) injectu pulver
lium disciderit, planctuq; & ejulat
summa spectantium admiratione
universum complevit forum. Lug
sâ: Cavete tamen lugeatis sine mo
proponere sub finem volumus, no
nè fugere existimemus, quorum an

ueretur:
ura sunt
Ubi ejus
culo visa
ceptaq;
ratissima
cripta est,
spectat
rruptio-
elix ætas
obis exi-
oculis se-
qui sa-
x septē,
aquam,
sui acce-
o repen-
barbam
in calvi-
rit, pal-
i, cum
natione
ine cau-
ue hæc
vos pla-
hnes re-
rum

